

**Общие указания по
УСТАВУ СОБОРНОЙ СЛУЖБЫ
на праздник Вербного Воскресения,
на Страсти Господни (12 Евангелий),
на Боготелесное погребение,
на Светлую утреню и Светлую седмицу**

Воскресение

НЕДЕЛЯ ЦВЕТОНОСИЯ. ВЕРБНОЕ ВОСКРЕСЕНИЕ. ВХОД ГОСПОДЕНЬ В ИЕРОСАЛИМ. Глас триоди. Октай не поется до понедельника Фоминой недели.

На малой вечерни на Господи возвах стихеры триоди празднику на 4. Слава и ныне празднику. Свете тихии чем. Прокимен — Господь воцарися, 2-ды, третье в пол. На стиховне стихеры и. Слава и ныне празднику. По тресвятом Тропарь — Общее воскресение. Ектения. Честнейшую и Отпуст малый (Преподобных и богоносных отец наших).

Павечерница малая без канона. По тресвятом кондак празднику.

Полунощница воскресная с каноном троичным глас 1, кондак празднику.

На всенощном бдении, на велицей вечерни Блажен муж кафизма вся. На Господи возвах стихеры на 10. **Слава и ныне** первая стихера — *Днесь благодать*. Свете тихии. Прокимен дню — *Господь воцарися*. **Чтения три в триоди**. На литии стихеры празднику. **Слава и ныне** глас 3-и — *Прежде шести дней бытия пасхи*. На стиховне стихеры празднику. **Слава** — *Днесь благодать*. **И ныне** той же. По тресвятом тропарь — *Общее воскресение 2-ды и другии* — *Спогребшися* единожды. *Буди имя Господне благословенно*. *Благословлю Господа на всяко время* и чтение празднику. **По ексапсалмех**, на Бог Господь тропарь — *Общее воскресение 2-ды*. **Слава и ныне** — *Спогребшися*. **По кафизмах** седальны празднику и чтение в евангелии толковом. Непорочны не поем. Полиелеос и **величание** празднику. Седален 2-ды и чтение. Степенна первый Антифон 4-го гласа. Прокимен празднику. Евангелие от **Матф., зач. 83-е** (1- зачалю). Псалом 50-й. Воскресение Христово не глаголем. **Слава** — *Молитв ради Апостол*. **И ныне** — *Молитв ради Богородицы*. Стихера глас 6 — *Днесь благодать святаго духа*. (Во время чтения псалма — Помилуй мя Боже, взимаем вербу и, со свещами горящими, держим донележе пропоют Великое славословие, на чтениях угашаем). **Канон празднику**. Ирмосы по 2-ды, тропари на 12. Катавасия — той же ирмос на сходе. **По 3-й песни**, ипакой единожды. **По 6-й песни**, кондак и икос празднику и чем синоксарь. **На 9-й песни** Честнейшую не поем. **Ирмос 9-й песни** с поклоном в пояс. На сходе ирмос — *Бог Господь* и поклон до земли. *Свят Господь Бог* поем на **глас 4-и**. Светильна несть. *Хвалите Господа с небес* поем. **На хвалитех** стихеры на 6. **Слава и ныне**, глас 6 — *Прежде шести дней пасхи*. Славословие великое. По тресвятом Тропарь — *Общее воскресение* **Слава и ныне** — *Спогребшися*. Ектении обе. Честнейшую. Отпуст и Час первый.

Отпуст: Иже на престоле херувимсте яздяи, и на жребяти осли изволивый всести, Господи Иусе Христе, Сыне Божии, молитв ради Пречистыя Ти Матере, и всех святых, помилуй и спаси нас, яко благ и человеколюбец.

На часех тропарь — *Общее воскресение. Слава* — *Спогребшися*. Кондак един празднику на всех часех. Блаженна, от канона песнь 3-я и 6-я на восемь. Апостол к **Филип.**, зач. **247**. Евангелие от **Иоанна**, зач. **41**. (Апостол и Евангелие рязделяем). По ослаби Кондак един празднику. За достойно, ирмос — *Бог Господь и явися нам. Отпуст иже на утрени.*

Молебен. Канон празднику, ирмос по дважды, запев — *Слава Тебе Боже наш, слава Тебе*. Евангелие утреннее от **Матф.**, зач. **83-е**. За достойно — *Бог Господь и явися нам.*

Отпуст други: **Пришедши во град Иеросалим, и хвалу прием от детей еврейских, Господи Исусе Христе, Сыне Божии, молитв ради Пречистыя Ти Матере, и всех святых, помилуй и спаси нас, яко благ и человеколюбец.**

Пяток Великии

Служба Святых Страстей Господа Бога и Спаса нашего Иисуса Христа. В четверток вечерня по рану (в Риге в 1 час дня). Поклоны все поясные, кроме приходных и исходных, сии поклоны, до самая светлыя утрени, земные.

Собравшися в церковь, начинаем вечерню. *Царю небесный*, тресвятое и прочая. *Благослови душе моя Господа*. Ектеня — *Господи помилуй 12*. Кафизмы несть. *Господи возвах* пением, на глас 2-и. **Стихеры на 6**, первую дважды. **Слава и ныне** глас 6 — *Издадие ехидново*. Свете тихии пением. Прокимны и паремии три в триоди. По чтении, ектеня малая — *Господи помилуй трижды, и Слава и ныне*. Прокимен — *Князи людстии собрашася*. **Апостол к Кор.**, зач. **149**. Аллилуия со стихи, 5 раз. **Евангелие от Матф.**, зач. **107** (составное: две преступки из Ин.44 и Лк. 109. Конец - *Пилату игемону*). Прокимен и аллилуия пред апостолом и *Слава Тебе Господи* поем по обеденному с поклоном земным. По евангелии, *Сподоби Господи*. Ектеня — *Господи помилуй 12*. **На стиховне** стихеры дню, писаны в четверток на утрени на стиховне, глас 8 — *Днесь иже на Христа*. Стих — *К Тебе возведох очи мои*, и паки ту же стихеру. Посем стих — *Помилуй нас Господи*, и стихеру — *Днесь Июда нищелюбия*. **Слава и ныне**, глас 5 — *Таинствуя Господи*. **Ныне отпускаеши**. По тресвятом, Тропарь — *Егда славни ученицы*, единожды. *Господи помилуй 40*. *Слава и ныне*. Честнейшую. *Слава и ныне*, с поклонами земными. **Отпуст**. Поклоны исходные земные.

Отпуст: **Пришедши на страсть вольную, Господи Исусе Христе, Сыне Божии, молитв ради Пречистыя Ти Матере, и всех святых, помилуй и спаси нас, яко благ и человеколюбец.**

Павечерница малая во свое время. На ней же поем трипеснец со ирмосом на 12, Ирмосы по 2-ды покрываем на сходе, яко же писано в неделю Цветную на павечернице.

Полунощница купно с павечерницею. На первом тресвятом, тропарь — *Егда славнии ученицы*. По 2-м тресвятом, Кондак — *Нас ради распятого*. Молитвы — Помяни Господи иже в надежи и помянника за упокой не глаголем.

Службу Двенадцати евангелий начинаем с вечера, с кадиллом, яко же всенощное бдение. Настоятель — *За молитв святых отец наших*. Псаломщик — Аминь. *Царю небесный*, тресвятое и пр. утрени. По **ексапсалмех**, вместо Бог Господь, поем — *Аллилуия*, на глас 8-и. Стихи — *От нощи утренюет дух мой*, и пр. Тропарь — *Егда славнии ученицы*, трижды. По тропаре ектеня малая — Господи помилуй, 3-ды, Слава и ныне. Настоятель чтет **первое евангелие**. *На чтении каждаго евангелия держим свечи горящая, и по чтении угашаем*. Пред евангелием и по оном поем — *Слава страстем Твоим Господи*, с поклоны поясными, такожде и на царских часех, в наутрии. (Неции полагают поклоны земные). **По чтении евангелия**, поем по клиросам антифоны, по дважды, как указано в триоди, на ряду; всех антифонов 15. Пред седальном, поем — *Господи помилуй* 3-ды и *Слава и ныне*. **Седальны** чтет канонарх на среди: прежде весь до конца. **Слава** конец, **И ныне** весь — концы седальнов поем на глас. Ектеня малая — Господи помилуй, трижды, Слава и ныне, и евангелие по ряду, как указано в триоди. **По прочтении шестаго евангелия**, канонарх чтет блаженну на 10. По сем, прокимен на глас 4-и — *Разделиша ризы Моя себе и одежды Моей меташа жребия*, стих — *Боже, Боже Мой, вонми Ми*. Всяко дыхание — не поем, но абие, по прокимне, ектеня малая — Господи помилуй 3-ды, **Слава и ныне** и **евангелие седьмое**. По евангелии, чтем слово Ефрема Сирина о страсти Спасове (*от сего седьмаго евангелия, ектиний малых пред евангелиями не поем*). **По чтении псалом 50**. По псалме **евангелие 8-е**. По сем, настоятель возглас — *Господи Исусе Христе*. Головщик — Аминь. **Поем трипеснец**, глас 6, ирмос 5-й песни — **К Тебе утреннюю**. Ирмосы по 2-ды. **Тропари на 12**, и покрываем тем же ирмосом. Запев — *Слава Тебе Боже наш, слава Тебе*. Посем Кондак и икос, и чтем синоксарь. **Песнь восьмая**. *Хвалим благословим*, и ирмос, с поклоном земным. **Песнь девятая**, Ирмосы с поклоны земными. Честнейшую не поем. **Светилен** - *Разбойника благоразумнаго*, 3-ды. **Евангелие девятое**. Хвалите Господа с небес. **Стихеры** на хвалитех 4, **Слава** глас 6, **И ныне** глас той же. По стихерах, **евангелие 10-е**. По сем, чтение - *Слава показавшему, и Слава в вышних Богу*. Поем Господи помилуй 12, и **Слава и ныне**. **Евангелие 11-е**. **Стиховна**, как указано на ряду в триоди. **Евангелие 12-е**. Псаломщик — *Благо есть исповедатися*, единожды. Тресвятое. Тропарь глас 4 - *Искупил ны еси*. Ектеня великая — Господи помилуй 40. Слава и ныне. Честнейшую, с поклоны земными и **Отпуст**. Карпение, и поклоны исходные земные. **Первый час не присовокупляем**.

В пяток страстный, в 8 часов утра, чем часы царские, писаны в триоди. **Настоятель** — *За молитв.* Чтец — Аминь. *Царю небесный* и прочая 1-го часа, как указано на ряду в триоди. По молитве — *Христе свете истинный*, **настоятель** — *За молитв святых отец.* Чтец — Аминь. *Тресвятое. Отче наш, Приидите поклонимся* и Третий час. **На остальных часех** тресвятаго не глаголем, но токмо — Приидите поклонимся. **На всех часех** по тропаре, поем стихеры соответствующаго часа по 2-ды с припевы их и **каждение образов.** **На 9-м часе** **каждение и братии.** На паремиях не седим. **На 9-м часе**, на третьей стихере — *Днесь висит на древе*, конец с **тремя поклоны земными.** Сию стихеру первый раз канорхист прочитывает на среди, таже совокупльшесь, оба лика поют **Слава и ныне**, и повторяют стихеру в роспев. На конце, предстоящи творят поклоны во время пения, а певцы — по совершении, во время чтения паремии. По молитве — **Владыко Господи Иусе Христе Боже наш**, чем псалмы обедницы: *Благослови душе моя Господа, Слава — Хвали душе моя Господа, И ныне — Единородный Сын.* По сем — *Во царствии си. Слава и ныне. Помяни нас Господи. Верую во Единаго Бога.* **По Отче наш**, кондак — *Нас ради распятаго.* Господи помилуй 40. *Всесвятая Троице* и *Благословлю Господа.* **Достойно есть** на сходе малым распевом. **Слава и ныне** с тремя поклоны земными. **Отпуст.** Поклоны исходные земные.

Указь ЕВАНГЕЛЬСКИХ чтений на Страсти Господни:

(на утрени):

Евангелие 1-е. От Иоанна, зач. 46 — Ныне прославися Сын человеческий. *Конец* — и ученицы Его.

Евангелие 2-е. От Иоанна, зач. 58 — Изыде Иус со ученики своими. *Конец* — Но да ядят пасху.

Евангелие 3-е. От Матфея, зач. 109 — Воини емше Иуса ведоша к Каиафе. *Конец* — Плакася горько.

Евангелие 4-е. От Иоанна, зач. 59 — Ведоша Иуса от Каиафы. *Конец* — Да распнется.

Евангелие 5-е. От Матфея, зач. 111 — Видев Июда предали Иуса. *Конец* — Понести крест Его,

Евангелие 6-е. От Марка, зач. 67 — Воини поемше Иуса ведоша. *Конец* — Веру имем Ему.

Евангелие 7-е. От Матфея, зач. 113 — Пришедше воини на место. *Конец* — Воистину Сын Божии бе Сей.

Евангелие 8-е. От Луки, зач. 111 — Ведоша со Иусом ина два. *Конец* — Зряще сих.

Евангелие 9-е. От Иоанна, зач. 61 — Стояху при кресте Иусове. *Конец* — Его же прободоша.

Евангелие 10-е. От Марка, зач. 69 — Прииде Иосиф иже от аримафея. *Конец* — Зрясте где Его полагаху.

Евангелие 11-е. От Иоанна, зач. 62—Моли Пилата Иосиф. *Конец* — идеже положиша Исуса.

Евангелие 12-е. От Матфея, зач. 114 — Во утреи же день, иже есть по пятце: *Конец* — Знаменавше камень с кустодиею.

На Часех:

Час 1-ый: Апостол к Галатам, зачало 215, от полу. Евангелие от Матфея, зач. 110 — Утру бывшу. *Конец* — И мати сыну Заведеову.

Час 3-и: Апостол к Римл., зач. 88, от полу. Евангелие от Марка 67 — Воини ведоша Исуса на двор Каиафин. *Конец* — Взыдоша с Ним во Иерусалим.

Час 6-и: Апостол к Евреом, зачало 303. Евангелие от Луки, зач. 111 — Ведяху со Иисусом и ина два злодея. *Конец* — Зряще сих.

Час 9-и: Апостол к Евреом, зач. 324. Евангелие от Иоанна, зач. 59 — Ведоша Исуса от Каиафы в претор. *Конец* — Его же прободоша.

В той же Пяток Великии. Вечерня в 1 час дня. По приходных поклонех (земных), настоятель — *За молитв святых отец наших.* Псаломщик — *Аминь. Царю небесный* и проч. *Благослови душе моя Господа. Слава и ныне.* Аллилуия 2-ды, третью поем. Ектения — *Господи помилуй 12. Кафизмы* несть. *Господи возвах* на глас 1-и. *Стихеры на 6*, первую 2-ды. *Слава*, глас 6 — *О, како беззаконный собор. И ныне*, глас той же — *Страшна и преславна тайна.* Свете тихии, пением. **Прокимны и паремии**, как указано на ряду в триоди. По чтении паремий, ектения малая — *Господи помилуй 3-ды и Слава и ныне.* Прокимен (апостолу) — *Положиша мя в рове преисподнем, в темных и сени смертней.* Стих — *Господи Боже спасения моего.* Апостол к **Коринф., зач. 125** — *Братие, слово крестное.* Аллилуия, со стихи (поем 5 раз). Евангелие от **Матф., зач. 110** (составное с преступками из Лк. 111 и Ин.61. *Конец - сидяци прямо гробу*). Прокимен и Аллилуия поем обеденною. *Слава Тебе Господи*, тоже, с поклоном земным. По евангелии — *Господи помилуй 40. Сподоби Господи в вечер сей.* *Господи помилуй 12.* *Слава и ныне.* **Стиховна** в триоди, глас 2-и подобен — *Егда от древа тя, со стихи* — *Господь воцарися. Слава и ныне*, глас 5 — *Тебе одеющагося.* *Ныне отпускаеши. По тресвятом тропарь* — *Благообразный Иосифъ.* Честнейшую, *Слава и ныне*, с поклоны земными. **Отпуст.** Поклоны исходные земные.

Отпуст: **Иже нас ради и нашего ради спасения смилив себе, и в нашу нищету облечеса, и волею страсти претерпев, и смерть вкуси, и во гробе положивыися Господи Иисусе Христе, Сыне Божии, молитв ради пречистыя Ти Матере, и всех святых, помилуй и спаси нас, яко благ и человеколюбец.**

Павечерница малая во свое время. **На ней чтем канон** о распятии Господни и на плач Пресвятыя Богородицы, глас 6. Ирмос поем по дважды, а тропари на 4. Покрываем тем же ирмосом. (В Риге поют ирмос единожды, а тропари чтут на пять). **На восьмой песни**, вместо Славы, — *Благословим Отца и Сына и Святаго Духа*. Хвалим благословим, ирмос - *Испламене Святым*, с поклоном земным. **По 9-й песни**, на сходе, ирмос — *Бога человеком*, и поклон земныи. Неции поют за достойно, ирмос — *Не рыдай мене мати*. По тресвятом, Кондак—*Нас ради распятаго*.

На полунощнице 9-я кафизма, поем купно с павечерницею. По 1-м тресвятом, Тропарь — *Благообразный Иосиф*. По 2-м тресвятом, Кондак - *Иже бездну затворивый мертв зрится*. Господи помилуй 12.

Отпуст: **Иже нас ради волею положивыися во гробе, Господи Иусе Христе, Сыне Божии, молитв ради Прчистыя Ти Матере и всех святых, помилуй и спаси нас, яко благ и человеколюбец.**

Суббота Великая.

Служба Положению во гроб Господа Бога и Спаса нашего Иуса Христа.

Утреню поем в пятницу вечером; начинаем с кадиллом, яко же всенощное бдение. **Настоятель** — *За молитв*. Псаломщик — *Аминь*. Царю небесный и проч. утрени. **По ексапсалмех**, Бог Господь на глас 2-и. **Тропари** — *Благообразный Иосиф*, 1—ды, **Слава** — *Егда сниде*, **И ныне** — *Мироносицам женам*. (Пономарь раздает свечи братии). Но сем поем **величание** дню, с **17 кафизмою** — *Блажени непорочнии*, на три статьи, яко же указано во обиходнике певчем. **Между статьями**, поем Слава и ныне, и Аллилуия, 3-ды, с припевы, (а Господи помилуй 3-ды не поем). **На конце третияго величания**, Слава и ныне не поем, но абие, тропари воскресны — *Благословен еси Господи*. *Ангельский собор удивися*, и проч. **Кафизму и припевы четет канонарх**. (В некоторых местах, стихи кафизмы четет псаломщик, а припевы канонарх). Мы же стоим благоговейно послушающе, с возженными свечами в руках, и так, до конца пения стихер на хвалитех. **По тропарех** воскресных, **седален дню, глас 4** — *Содержаи всю вселенную*; **Слава и ныне**, глас 1 — *Ужасошася лица ангельстии*, и чтение дню. **По чтении** — Воскресение Христово **не глаголем**, но абие псалом 50. **Настоятель** молитву — *Господи Иусе Христе*. Головщик — *Аминь*. **Поем канон Великой субботе**, глас 6. Ирмосы дважды, тропари на 12, на сходе покрываем тем же ирмосом. **По 3-й песни**, седален, Слава и ныне — *другии*, и чтение. **По 6-й песни**, Кондак и икос, и чтем синоксарь. **На 9-й песни** Честнейшую не поем, но ирмосы с поклоны земными. **Вместо светильна** — *Свят Господь Бог*, на глас 2-и. **На хвалитех** стихеры на 4. **Слава** — *Днешнюю тайну*. **И ныне** — *Преблагословенна еси*. Славословие

великое. **Тресвятое поем надгробное**, большое. *Образ Положения во гроб выносится на аналое на средину с двумя лампадами. Во время надгробного, настоятель кадит образ крестообразно, от четырех стран. Певцы сходят все на правый клирос* и поют стихеру, глас 5 — *Приидете ублажим Иосифа приснопамятного*. Во время пения бывает целование образа Положения во гроб, по чину третьей недели поста (крестопоклонной). По окончании стихеры певцы сходят на свой клирос. **Настояль** речет молитву — *Господи Исусе Христе*. **Канонарх** — Аминь и сказывает глас 2-и, четет на середине весь тропарь — *Содержаи концы, Слава Конец тропаря, И ныне весь*. Концы тропаря поем. **По сем глас прокимна** и Прокимен — *Воскресни Господи помози нам*. Стих — *Боже ушима нашим*. **Чтем паремию** от пророчества Иезекиилева, на паремии не седим. По сем, Прокимен апостолу - *Воскресни Господи Боже мой*. Стих - *Исповемся Тебе Господи*. Апостол к **Коринфом**, зач. 133 с преступкой в 206-е. Аллилуия, со стихи 5 раз. Евангелие от **Матф.**, зач. 114 — *Во утрои же день иже есть по пятце*. Прокимен и Аллилуия поем обеденным. *Слава Тебе Господи* то же, с поклоном земным. По сем ектении — *Господи помилуй* 40 и 12. Честнейшую, с поклоны земными. **Отпуст: Иже нас ради и нашего ради спасения смилив себе, и в нашу нищету облечеса, и волею страсти претерпев, и смерть вкуси, и во гробе положивыися Господи Исусе Христе, Сыне Божии, молитв ради пречистыя Ти Матере, и всех святых, помилуй и спаси нас, яко благ и человеколюбец.**

Час первый. На 1 часе: тропарь — *Благообразный Иосиф*. Слава— *Егда сниде*. По тресвятом Кондак — *Иже бездну затворивыи*. **Конечный отпуст** и корпение (без Ненавидящих).

Часы: трети, шестый и девятый поем просто, вкупе со Блаженными, без чтения апостола и евангелия. На третьем часе, тропарь — *Благообразный Иосиф*. Слава — *Мироносицам женам*, такожде и на девятом. На шестом, яко же на первом, а Кондак на всех часех - *Иже бездну затворивыи*. По ослаби, Кондак един, той же. *Господи помилуй* 40. Всесвятая Троице и проч. Достойно есть на сходе, малым распевом. Слава и ныне и *Господи помилуй* с тремя земными поклонами. **Отпуст.** Исходные поклоны земные.

Вечерня Великой Субботе.

В ту же великую субботу — Вечерню служим в час дня. По начальных земных поклонах, настоятель — *За молитв*. **Псаломщик** — Аминь. *Царю небесный* и проч. *Благослови душе моя Господа*. **Слава и ныне.** Аллилуия 2-ды, а третью поем. Посем ектения великая — *Господи помилуй* 40 (большим распевом). **Слава и ныне.** Кафизмы несть. **Господи возвах** на глас 1-и. **Стихеры** воскресны 3, и восточен един — *Веселитесь небеса*, и великой субботе 4, повторяюще первую, глас 8 — *Днесь ад стоня вопиет*. **Слава**, глас 6-и — *Днешнюю тайну*. **И ныне**, глас 1-и — *Всемирную славу*. Свете тихии.

Прокимен дню — *Господь воцарися. Таже чтения паремий (по числу их 15).* Егда чтец возгласит «Молитва», мы не седим. Поем на глас 5 — *Славно бо прославися.* Потом — *Господа пойте и превозносите Его во веки,* яко же указано на ряду, в триоди. По чтении паремий, ектеня малая — *Господи помилуй трижды и Слава и ныне.* Прокимен апостолу — *Вся земля да поклонится.* Стих — *Воскликните Богови.* Апостол к Римл., зач. 91 — *Братие, елицы во Христа Иисуса крестихомся.* Аллилуия не поем, но поем стих на глас 8 — *Воскресни Боже суди земли (5 раз).* Евангелие от Матф., зач. 115. Слава Тебе Господи, обеденным, с поклоном земным. По сем ектеня — *Господи помилуй 40. Сподоби Господи.* Господи помилуй 12. **На стиховне** стихеры воскресны, глас 1-и, со стихи их. **Слава и ныне** — *Се исполнися.* Ныне отпускаеши. По тресвятом тропари — *Благообразный Иосиф.* **Слава** — *Егда сниде, И ныне* — *Мироносицам женам.* Честнейшую, и Слава и ныне, с поклоны земными. **Отпуст.** Поклоны исходные земные.

Отпуст: **Иже нас ради и нашего ради спасения смилив себе, и в нашу нищету облечеса, и волею страсти претерпев, и смерть вкуси, и во гробе положивыися Господи Иисусе Христе, Сыне Божии, молитв ради пречистыя Ти Матере, и всех святых, помилуй и спаси нас, яко благ и человеколюбец.**

Павечерница малая. На ней поется канон Боготелеснаго погребения и на плач Пресвятыя Богородицы, глас 6, со ирмосом на 6, Ирмосы по дважды и покрываем на сходе тем же ирмосом. **По 6-й песни** чтец Господи помилуй трижды, **Слава и ныне,** кондак и икос. **По 8-й** — Хвалим благословим, не поем и поклонов не полагаем. **По 9-й песни** ирмос — *Не рыдай мене мати,* и поклон земный. **По тресвятом** Кондак — *Иже бездну затворивый* и проч. обычно. На конце — Слава и ныне с поклоны поясными. **Отпуст** глаголем что на вечерни.

Купно с павечерницею, поется полуношница воскресна, 1-го гласа, с каноном троичным. По тресвятом **кондак** — *Иже бездну затворивый.* Молитва — *Всемогущая и животворящая святая Троице.* **Отпуст:** **Иже нас ради волею положивыися во гробе, Господи Иисусе Христе, Сыне Божии, молитв ради Пречистыя Ти Матере и всех святых, помилуй и спаси нас, яко благ и человеколюбец.** Карпение. *Ненавидящих и обидящих.*

В некоторых общинах полуношница воскресная не совершается, тогда на навечернице, по конце — Слава и ныне безъ поклонов. Отпуст. Карпение. Ненавидящих и обидящих. Поклоны исходные земные. Расхода не бывает, но чтем **деяния** св. Апостол до 10 часов вечера. Нам же всем послушающим со вниманием, да не будет леть ни единому на сон предати себе, боящася скверны искушителя врага.

В тех общинах, где не бывает воскресной полунощницы, вечерня служитя позднее, и расходу не бывает, но абие поется павечерница по указанному чину.

Канон Великия Субботы.

В 10 часов вечера. Приходные поклоны земные. Настоятель — *За молитв святых отец наших*. Псаломщик — *Аминь*. *Святый Боже* и пр. Псалом — *Помилуй мя Боже*. Настоятель молитву *Господи Исусе Христе*. Головщик — *Аминь*. **Канон Великия Субботы**. Ирмосы по дважды, тропари на 12 и покрываем на сходе тем же ирмосом. **По 3-й песни** седален — *Гроб Твой Спасе*. Слава и ныне той же. Чем слово свят. Епифания кипрсаго, ему же начало — *Что се днесь безмолвие много* (на двое). **По 6-й песни**, Кондак и икос, и чтение. **На 8-й песни**, вместо Славы — *Благословим Отца и Сына и Святаго Духа* и поем Хвалим благословим. Посем ирмос — *Ужаснися бояися небо*, с поклоном земным. **9-й песни** ирмосы с земными поклонами. **По 9-й песни** ирмос — *Не рыдай мене мати* и поклон земный. По тресвятом тропарь един — *Егда сниде к смерти*. Ектения — *Господи помилуй* 40. Честнейшую, **Слава и ныне**, *Господи помилуй* (2), *Господи благослови*, с поклоны земными. **Отпуст великия субботы**: **Иже нас ради волею положивыися во гробе, Господи Исусе Христе, Сыне Божии, молитв ради Прчистыя Ти Матере и всех святых, помилуй и спаси нас, яко благ и человеколюбец**. Поклоны исходные земные.

Воскресение

СВЕТЛОЕ ХРИСТОВО ВОСКРЕСЕНИЕ. ПАСХА ГОСПОДНЯ.

Около полунощи, на 9-й песни канона Великия Субботы, благовест в большой колокол. По совершении канона, зажигаются паникадила и свечи вся; ставится сосуд со углем горящим и влагается фимиана (ладана) много, да наполнится храм благоухания.

Поклоны приходные поясные. (Зде чтется – Достойно есть, а не Светися). Настоятель, прием кадило, кадит Честный Крест и Евангелие, и образы. Певцы обоих клиросов сходятся на средину и поют стихеру глас 6 – *Воскресение Твое Христе Спасе*, трижды. **Настоятель возглашает** – *За молитв святых отец наших*. **Правый лик** (велегласно) — *Аминь*. Настоятель поет тропарь на глас 5-й – *Христос воскресе из мертвых, смертью на смерть наступи, и гробным живот дарова*, дважды, и третии в пол. Правый лик допеваает – *И гробным живот дарова*. По сем лики прменяясь – *Христос воскресе* трижды. Настоятель стих – *Да воскреснет Бог и разыдутся врази Его*. **Лики** – *Христос воскресе* 3-ды. Стих – *Яко исчезает дым да исчезнуть. Христос воскресе* трижды. Стих – *Тако да погибнуть грешницы от лица*

Божия, а праведницы возвеселятся. Христос воскрес трижды. Стих – Сей день иже сотвори Господь, возрадуемся и возвеселимся в оны. Христос воскрес трижды. Слава - Христос воскрес трижды. И ныне - Христос воскрес трижды. Также настоятель поет – *Христос воскрес* в пол. Правый лик – *И гробным живот дарова.* Посем ектения – *Господи помилуй* 12 (распевом) и **Слава и ныне.** Настоятель молитву – *Господи Иисусе Христе Сыне Божии, помилуй нас.* Головщик – *Аминь.* **Поем канон Пасце, глас 1-и,** ирмосы по 4 раза, тропари на 12, **катавасия** тот же ирмос на оба лика дважды. *Ирмосы канона запеваает сам настоятель на среди, катавасии запевают головщики.* Во время пения тропарей первых песней канона, настоятель кадит образы, клироса и всю братию. На каждой песни, после катавасии, начинающей лик поет – *Господи помилуй* трижды и **Слава и ныне.** По **3-й песни,** поем ипаккой – *Предваришиа утро,* единожды, и чем слово в евангелии толковом. По **6-й песни,** поем Кондак и икос, и чем синоксарь. По **чтении,** поем – *Воскресение Христово,* трижды, и стихеру, глас 6-и – *Воскрес Иисус от гроба,* трижды. Последи поем песни 7, 8 и 9-ю. На **8-й песни,** пред катавасией – *Хвалим благословим,* также ирмос – *Сей убо нареченный святыи день,* с поклоном в пояс. **Ирмосы 9-й песни** также с поклонами в пояс. По **9-й песни,** оба лика вкупе, на среди, поют катавасию, ирмос – *Светися, светися,* и во второй раз тот же ирмос поют распевом, и поклон земный. **Светилен** – *Плотию уснув,* трижды. *Хвалите Господа с небес* (поем). **Стихеры воскресны,** глас 1-и, на 4, поем по клиросам. Также совокупльшеся оба лика **поют стихеры Пасце, глас 5,** стих – *Да воскреснет Бог.* – *Пасха священная* и пр. По **окончании стихер** – целование Честнаго Креста, при пении многажды – *Христос воскрес,* дондеже совершится целование. **Посем настоятель чет слово** (огласительное) святаго Иоанна Златоустаго — *Иже аще кто Боголюбив.* По **прочтении, правый лик поет тропарь святителю, гл. 8** — *От уст твоих яко же светолучная заря возсия.* Посем ектения — *Господи помилуй* 40, левый лик — *Господи помилуй* 12, вместо Честнейшую, поем по клиросам — *Христос воскрес,* трижды. **Настоятель на среди поет** — *Христос воскрес,* в пол, правый лик — *И гробным живот дарова.* **Слава и ныне,** *Господи помилуй* (2), *Господи благослови,* с 3-мя поклонами. **Отпуст.** Правый лик (велегласно) — *Аминь.* **Настоятель, ограждаясь крестным знамением.** Возглашает — *Христос воскрес* — трижды. **Мы же, ограждаясь крестным знамением,** в благоговении и радости, отвечаем на каждый возглас — *Воистину воскрес* — трижды. Настоятель глаголет - *и нам дарова живот вечный.* Правый лик пением - *и нам дарова живот вечный, поклоняемся его тридневному воскресению* (и поклон в пояс).

Отпуст: Воскресыи из мертвых, Господи Иисусе Христе, Сыне Божии, молитв ради Пречистыя Ти Матере, силою Честнаго и Животворящаго Креста, и святых славных и всехвальных апостол, и всех святых, помилуй и спаси нас, яко благ и человеколюбец.

Таже первый час: *Христос воскресе*, трижды. *Воскресение Христово видевше*, трижды, с тремя поклонами в пояс (накаждом пении). **Таже - Предвариша утро**, единожды. *Аще и во гроб* (1). *Во гробе с плотию* (1). **Слава — Яко живоносец**. И ныне — *Вышняго освященно*. Господи помилуй 40, **Слава и ныне**, *Честнейшую*, с поклоном в пояс. *Именем Господним благослови отче*. Настоятель — *За молитв святых отец наших*. Правый лик — Аминь. **Слава и ныне**, *Господи помилуй* (2), *Господи благослови*, без поклонов. *Отпуст* — *Воскресыи из мертвых... преподобных и богоносных отец наших и карпение*.

В Риге, от местного обычая Светлая заутреня заканчивается первым часом.

После корпения, лики на сходе поют *Христос воскресе* – 3-ды, *Да воскреснет Бог* и стихеры Пасце и проч., *Христос Воскресе* 3-ды, Сл. И ныне, Господи помилуй 3-ды, **Отпуст**. По сем поклоны отходныя.

В Риге часы служат в 8 часов утра. Начинаем с кадилом. Приходные поклоны. Наставник – *За молитв*. Аминь. И начинаем третий час.

Сицевым образом поем за **3-й, 6-й и 9-и** час, кроме отпуста, а токмо — *Честнейшую, Именем Господним благослови отче*. **Настоятель** — *За молитв святых отец наших*. Лик — Аминь. *Христос Воскресе*, трижды и прочая. По **9-м** часу, за обедницу поем сице: *Христос Воскресе*, трижды. *Воскресение Христово* (распевом) единожды. *Предвариша утро*, единожды. **Слава — Аще и во гроб**. И ныне — *Единородный Сын*. **Таже — Во царствии си**. **Блаженна** от канона, песнь **3-я** и **6-я** на восемь. Апостол в деяниях, **зач. 1-е**. Евангелие от **Иоанна, зач. 1-е**. (Апостол и евангелие разделяем). **Таже — Помяни нас Господи, Лик небесный, Слава — Собор святых ангел. И ныне — Верую во единого Бога. Ослаби остави. Отче наш** (во время пения Отче наш каждением освещаем куличи, пасхи и яйца). Кондак — *Аще и во гроб*. Господи помилуй 40. **Таже — Един свят, един Господь Иисус Христос, в славу Богу Отцу, аминь**. Посем, вместо Буди имя Господне, поем — *Христос Воскресе*, трижды (неции тут полагают три поклоны в пояс). **Таже псалом — Благословлю Господа на всяко время, до полу**. **Конец — Да не лишатся всякаго блага**. За достойно — *Светися, светися*, и поклон земный. **Таже — Христос воскресе**, 3-ды. **Настоятель** на среди поет — *Христос воскресе* в пол. Лик — *И гробным живот дарова*. **Таже — Слава и ныне, Господи помилуй** (2), *Господи благослови*, с тремя поклонами. **Отпуст**. Лик — Аминь (*общий*). Настоятель возглашает — **Христос Воскресе**, трижды. Мы отвечаем — **Воистину Воскресе**, трижды. **Настоятель** глаголет — *И нам дарова живот вечный*. Левый лик поет - *и нам дарова живот вечный, поклоняемся Его тридневному воскресению*. **Таже лики поют — Христос Воскресе**, трижды. Господи помилуй трижды. Исходный начал и расход.

В первый день Светлая недели Молебна не бывает.

В той же день Светлая недели, в 2 часа дня совершаем вечерню. Собравшись в церковь, зажигаем вся светильники. По приходных поклонех — каждение образов. Таже настоятель — *За молитв святых отец наших*. Левый лик — *Аминь*. Настоятель на среди поет — *Христос Воскресе*, дважды, третии в пол. Левый лик — *И гробным живот дарова*. Таже лики — *Христос Воскресе*, трижды. Настоятель сказывает стихи — *Да воскреснет Бог* (и прочие). Лики на каждый стих поют — *Христос Воскресе*, по трижды. **Слава** — *Христос Воскресе* (3). **И ныне** — *Христос Воскресе* (3). Настоятель поет — *Христос Воскресе*, в пол. Левый лик - *и гробным живот дарова*. Таже левый лик поет ектению — *Господи помилуй* 12 (распевом) и Слава и ныне. По сем — **Господи возвах**, поем на глас 2. **Стихеры** в триоди воскресны 6, Слава — *Спасенную песнь*, И ныне — догмат богородичен — *Прейде сень законная*. Свете тихии. **Прокимен** великий, глас 7-и — *Кто Бог велии, яко Бог наш*, со стихи его. По прокимне правый лик поет — *Господи помилуй*, трижды и Слава и ныне. Евангелие от **Иоанна**, **зач. 65-е**. — *Сущу позде, в день той*; Конец — *Не иму веры*. (Слава Тебе Господи — поем не обеденную, но яко же на утрени). По сем, левый лик — *Господи помилуй* 40. *Сподоби Господи*. Правый лик — *Господи помилуй* 12. **Стиховна**: едина стихера воскресна, глас 2 — *Воскресение твое Христе Спасе, по сем стихеры Пасце* — *Да воскреснет Бог*, — *Пасха священная*. (Выносятся Честный Крест на аналое на средину). По стихерах — *Христос Воскресе*, трижды, на среди. По сем и по клиросам — *Христос Воскресе*, трижды. Таже настоятель — *Христос Воскресе*, поет в пол. Левый лик — *И гробным живот дарова*. Слава и ныне Господи помилуй (2), Господи благослови с тремя поклонами. *Отпуст*. По отпусте, левый лик — *Аминь*, Настоятель возглашает — **Христос Воскресе**, трижды. Мы отвечаем — **Воистину Воскресе**, трижды. Настоятель глаголет — *И нам дарова живот вечныи*. Левый лик поет - *и нам дарова живот вечныи, поклоняемся Его тридневному воскресению*. Таже лики — *Христос Воскресе*, трижды. По сем поются, по клиросам, **стихеры целования**, глас 6 — *Днесь всечестная Пасха, Пасха божественная, Пасха Христова*. Глас 8 — *Наполнишася вся радости*. Слава и ныне, глас 5 — *Ангели възграйте*. (Во время пения сих стихер совершается поклонение и целование животворящаго Креста Господня). По сих стихерах левый лик — *Господи помилуй*, трижды.

Таже поем павечерницу малую. Настоятель — *За молитв святых отец*. Левый лик — *Аминь*. *Христос Воскресе*, трижды. *Воскресение Христово*, трижды, с поклоны. *Предвариша утро. Аще и во гроб. Во гробе с плотию*. **Слава** — *Яко живоносец*. **И ныне** — *Вышняго освященно*. *Господи помилуй* 40. Слава и ныне. Честнейшую. Именем Господним. **Настоятель** — *За молитв*. Тако же поем **полунощницу**, во всем согласно с **павечерницей**, корпения не бывает. По сем — **Слава И ныне**, Господи помилуй, 2-жды, Госп., благослови, с тремя поклоны. **Отпуст малый**. Госп., пом., 3-ды. Поклоны исходныя.

Понедельник

Понедельник Светлая неделя. Начинаем утреню с кадилом. По приходных поклонах, настоятель, покадив образы – *За молитв святых отец.* Левый лик – Аминь. **Настоятель** поет *Христос Воскресе*, дважды, а третий в пол. Левый лик – *И гробным живот дарова.* Лики – *Христос Воскресе*, трижды. Также настоятель глаголет стихи – *Да воскреснет Бог* и пр., мы же на каждый стих поем – *Христос Воскресе*, но трижды. (Яко же указано в самый день Воскресения). На Конец, настоятель поет – *Христос Воскресе*, в пол. Левый лик – *И гробным живот дарова*, и абие – *Господи помилуй* 12 и *Слава и ныне.* Настоятель молитву – *Господи Исусе Христе.* Головщик леваго лика – Аминь. **И поем канон Пасце**, ирмосы по дважды, тропари на 12, катавасия на сходе – *Воскресения день.* (Ектений между песнями не поем). **По 3-й песни**, ипакой и чтение в толковом. **По 6-й песни** кондак и икос и чем слово в прологе. По чтении, *Воскресение Христово*, трижды. *Воскрес Исус от гроба*, трижды. **По 8-й песни** – *Хвалим благословим*, ирмос – *Сей убо нареченный*, с поклоном в пояс. **Ирмосы 9-й песни** тоже с поклонами. **По 9-й песни** – *Светися, светися*, с поклоном земным. **Светилен**, трижды. *Хвалите Господа с небес.* **Стихеры** воскресны, глас 2, на четыре. Посем стихеры Пасце, глас 5-й – *Да воскреснет Бог – Пасха священная*, со стихи их. По стихерах, *Христос Воскресе*, трижды. (Выносятся Честный Крест на средину для поклонения). Также ектения – *Господи помилуй* 40 и 12. Вместо Честнейшую – *Христос Воскресе*, трижды. Настоятель – *Христос Воскресе*, в пол. Левый лик – *и гробным живот дарова.* *Слава и ныне, Господи помилуй* (2), *Господи благослови*, с тремя поклонами. **Отпуст.** Возглашение. И поклонение животворящему Кресту; мы же поем первый час, яко же указано во вчерашний день. По отпусте, карпение. Поклоны исходные.

По рижскому обычаю, во всю Светлую неделю Молебен поется прежде часов. И вообще, во все двенадцатые праздники, и храмовые, и нарочитым Святым – Молебен бывает прежде часов.

В 8 часов утра поем Молебен Пасце. По приходных поклонах, настоятель кадит образы. Посем – *За молитв святых отец.* Левый лик – Аминь. Настоятель поет – *Христос Воскресе*, дважды, третий в пол. Левый лик – *и гробным живот дарова.* Лики – *Христос Воскресе*, трижды. Настоятель сказывает стихи – *Да воскреснет Бог* и проч., мы же на каждый стих поем – *Христос Воскресе* по единожды. *Слава – Христос Воскресе.* И ныне – *Христос Воскресе.* **Вместо Аллилуия, настоятель** – *Христос Воскресе* в пол. Левый лик – *и гробным живот дарова.* **По сем канонарх четет** – *Слава и ныне*, ипакой – *Предвариша утро.* Левый лик – *Господи помилуй* 12 и *Слава и ныне.* (Выходят на средину). **Настоятель** молитву – *Господи Исусе Христе.* **Головщик** леваго лика – Аминь. Поют канон Пасце со ирмосом на 6, Ирмосы по дважды. Катавасия – *Сохрани от бед.* **По 3-й песни**, ипакой, единожды. **По**

6-й песни, кондак и икос. Прокимен — *Сей день, иже сотвори Господь, возрадуемся и возвеселимся в онь. Стих — Исповедайтесь Господеву яко благ, яко в век милость Его.* Всяко дыхание. Евангелие от **Луки, зач. 114.** (Стихера от произволения, гл. 6 Ангели взыграйте). **По 9-й песни**, ирмос *Светися, светися* и поклон земный. По сем *Христос Воскресе* трижды, по клиросом. Таже канонарх четет — *Предвариша утро.* Слава и ныне — *Аще и во гроб.* Ектения — *Господи помилуй* 40, Слава и ныне. Вместо Честнейшую, *Христос Воскресе*, трижды. Таже поет настоятель — *Христос Воскресе*, в пол. Левый лик — *и гробным живот дарова.* Слава и ныне, *Господи помилуй* (2), *Господи благослови* (с тремя поклоны). *Отпуст.* По отпусте левый лик — *Аминь.* Настоятель возглашает — **Христос Воскресе**, 3-ды. Мы же отвечаем — **Воистину Воскресе.** И нам дарова живот вечный — **не поем**, но абие — *Христос Воскресе* по клиросом, трижды, и *Господи помилуй* трижды.

Часы поем, яко же указано во вчерашний день. **Блаженна** от канона Пасце, песнь первая на шесть. Апостол в деяниях **зачало 2-е.** Евангелие от **Иоанна, зачало 2-е.**

Во всю Светлую неделю в конце утрени и вечерни выносятся Животворящий Крест для поклонения и целования, а также и в конце молебна. Во время пения часов бывает поклонение и целование.

Вторник

Вторник Светлая неделя. Празднуем **Пресвятой Богородице Одигитрии** (путеводительницы). В понедельник вечер, Начало творим яко же указано в неделю вечер.

На вечерни: Господи возвах поем на глас трети. **Стихеры на 10-ть** — воскресных гласу 4, и Богородице шесть (3 с великой, и 3 с малой вечерни). **Слава** Богородице, глас 5 — *Единство трисоставное.* **И ныне** догмат гласу — *Како не удивимся.* Свете тихии. **Прокимен** великий, глас 7 — *Бог наш на небеси и на земли,* со стихи его. **Чтения три Богородице.** По сем ектения — *Господи помилуй* 40. *Сподоби Господи,* и *Господи помилуй* 12. **На литии** стихеры Богородице и с малой вечерни все оставшиеся. **Слава и ныне** Богородице, глас 7 — *Страшно и неизреченно.* **На стиховне** — едина стихера воскресна, гл. 3-и — *Страстию Твоею Христе,* и — *Пасха священная,* со стихи их. **Слава** Богородице, глас 7 — *Из Тебе Пресвятая.* **И ныне** Пасце — *Воскресения день. Христос Воскресе,* трижды, на среди. **По сем четет псаломщик** — *Слава,* Тропарь — *К Богородице прилежно,* и ныне другие — *Не умолчим никогда же. Христос воскрес,* 3-ды по клиросам. По сем настоятель поет — *Христос Воскресе,* в пол. Правый лик — *и гробным живот дарова,* **Слава и ныне,** *Господи помилуй* (2), *Господи благослови,* с тремя поклоны. **Отпуст.** Общий *Аминь.* Возглашение и правый лик поет - *и нам дарова живот вечный. Христос воскрес,* 3-ды. *Господи помилуй* 3-ды. Конец вечерни, и **павечерница с полунощицею,** как указано во вчерашний день, кроме стихер — *Днесь всечестная Пасха.*

Утреню во вторник начинаем, яко же указано в понедельник. По замолитствовании — *Христос Воскресе* и стихи. Токмо зде Слава и ныне не поем, а канонарх четет — **Слава** — *К Богородице прилежно ныне притецем грешнии, И ныне* — *Не умолчим николиже Богородице силы твоя глаголюще.* По сем ектеня — *Господи помилуй* 40. **Слава и ныне** и поем полиелеос — *Хвалите имя Господне. Величание Богородице* — *Достойно есть величати Тя.* Псалом — *Помяни Господи Давыда и всю кротость его.* По величании, седален глас 4 — *Божественными зарями, 2-ды, Слава и ныне* — *Невесто браконейская.* Чтение в Златоусте (слово в субботу 5-ю поста). По сем степенна первая 4-го гласа, **Антифон 1-и.** Прокимен — *Помяну имя Твое.* Евангелие от **Луки, зач. 4-е.** *Воскресение Христово* 3-ды. Псалма 50-го **не глаголем.** Но абие левый лик поет — *Слава, молитв ради Богородицы.* Правый лик – и ныне, той же стих. **Посем левый лик стихеру** — *Не остави нас.* Таже *Господи помилуй* 12. **Канон Пасце** со ирмосом на 6-ть, Ирмосы по дважды, и Богородице чтем на 8, катавасия на среди — *Воскресения день.* **По 3-й песни** кондак и икос Пасце и ипакой то же, Слава и ныне седален Богородице. **По 6-й песни,** Кондак и икос Богородице и чтение в прологе. **По чтении,** левый лик запеваает стихеру глас 6 — *Воскрес Исус от гроба,* трижды. Песни 7, 8 и 9 по обычаю. **По 9-й песни,** катавасия — *Светися, светися и поклон до земли.* **Светилен** — *Плотию уснув* 2-ды. **Слава и ныне** Богородице. **На хвалитех стихеры** воскресны гласу три и Богородице три, таже — Пасха священная, со стихи их. **Слава** Богородице, глас 5 — *Яже о Тебе пророчества.* **И ныне** — *Воскресения день.* Христос Воскресе, трижды на среди. **Канонарх** четет **Слава** и тропарь *К Богородице прилежно,* и ныне — *Неумолчим николиже.* Ектении — *Господи помилуй* 40 и 12. Христос Воскресе. **Отпуст.** Возглашение и правый лик поет - *и нам дарова живот вечный.* **Час первый** (яко же указано в понедельник).

Отпуст: «**Воскресии из мертвых Господи Исусе Христе, Сыне Божии, молитв ради Пречистыя Ти Матере, честнаго и славнаго Ея Одигитрия, силою Честнаго и животворящаго Креста, и святых славных и всехвальных апостол и всех святых, помилуй и спаси нас, яко благ и человеколюбец.**».

Молебен: поем два канона, Пасце и Богородице. По обычном начале, каждение образов. *За молитв святых отец наших.* Христос Воскресе, со стихи. **Слава** — *Христос Воскресе.* **И ныне** — *Христос Воскресе.* Вместо Аллилуия, настоятель — *Христос Воскресе.* Правый лик – *и гробным живот дарова.* **Таже канонарх** сказывает на среди, глас 4-и и четет ипакой Пасце — *Предвариша утро, Слава* — *К Богородице прилежно, и ныне* — *Не умолчим николиже* (концы тропарей поем). Посем — *Господи помилуй* 12, Слава и ныне. Молитва. **Каноны** — Пасце со ирмосом на шесть, ирмосы по дважды, и Богородице на 4. Катавасии — *Сохрани от бед рабы своя милостиве, и Спаси от бед рабы своя Богородице Дево.* **По 3-й песни** кондак, икос и седален

Богородице. Слава и ныне — *Предвариша утро*. По **6-й песни** кондак и икос Пасце. Прокимен — *Сей день иже сотвори Господь*, 2-ды и — *Помяну имя Твое*. Евангелие от **Луки, зач. 114**, и Богородице от **Луки, зач. 4**. Задостойник — *Светися* и поклон до земли. *Христос Воскресе*, трижды. Тропари — *Предвариша утро, к Богородице прилежно* и *Не умолчим николиже*. **Слава** кондак Богородице — *Не имамы инья помощи*. **И ныне** Кондак Пасце — *Аще и во гроб*. Ектинья — *Господи помилуй 40*. *Отпуст* и прочие обычно пасхального молебна, яко же указано в нонедельник.

Часы Пасце по обычаю. **Блаженна** — от канона Пасце песнь четвертая на 4, Богородице песнь шестая на 4. Апостол дню, в деяниях, **зач. 4** и Богородице, к Евр., **зач. 320**. Евангелие от **Луки, зач. 113-е** и Богородице, **зач. 54**. По ослаби, Кондак *Не имамы инья помощи*, Слава и ныне — *Аще и во гроб*.

В прочие дни Светлой Седмицы служба, яко же указано в неделю и понеделник (кроме евангелия на вечерни в воскресение). Прокимны вечернии на ряду в триоди.

В среду блаженна на часех песнь пятая на шесть. Апостол в деяниях, **зачало 5-е**. Евангелие от **Иоанна, зач. 4-е**.

В четверток блаженна, песнь седьмая на шесть. Апостол в деяниях, **зачало 6-е**. Евангелие от **Иоанна, зач. 8-е**.

В пятницу блаженна, песнь 8-я на шесть. Апостол в деяниях, **зач. 7-е**. Евангелие от **Иоанна, зач. 7-е**.

В субботу блаженна, песнь 9-я на шесть. Апостол в деяниях, **зач. 8-е**. Евангелие от **Иоанна, зачало 11-е**.

На молебнах чтутся следующие евангелия:

В среду, от **Иоанна, зач. 65-е**, до слов — Не иму веры.

В четверток, от **Матфея, зач. 116-е**.

В пяток и **субботу** от **Луки, зач. 114-е**.

В среду и в пяток Светлой седмицы канон Пасце поется на 8, с ирмосом. К канону присовокупляем два стиха богородична (пис. в Неделю свв. мироносиц жен на утрени) и поем на утрени канон на 8, ирм. по 2-жды, по сем канонарх четет: **Слава** - богородичен, **И ныне** - другии богородичен. **На молебне** канон Пасце поем на 4, ирм. по 2-жды, и канонарх четет: **Слава** - богородичен, **И ныне** - другии богородичен.

Аще какие погрешения соделали по неразумению или небрежением, мы тружющиеся усердно в деле сем, молим Вас скудоумие наше и неведение покрыти и прощению сподобити, да и сами прощение от Христа Бога получите в день последнего воздаяния. Аминь.